



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Broj: 01-011-1312/03.

Sarajevo, 17. septembra 2003.

Z A P I S N I K

sa 19.sjednice Predstavničkog doma Parlamentarne skupštine Bosne i Hercegovine,
održane 24. septembra 2003. godine

Sjednica je počela u 10,10 sati. Prisustvovalo je 37 poslanika. Opravdano su odsustvovali Azra Hadžiahmetović, Vinko Zorić, Mladen Potočnik, Milorad Živković i Petar Kunić.

Ispred Vijeća ministara sjednici su prisustvovali zamjenici ministara Jusuf Kumalić, Ivica Marinović i Haris Bašić.

Sjednici su prisustvovali Maja Ribar – OHR, Vanda Mandić - EUMM i Ivica Čavar – Centar civilnih inicijativa.

Uvodne napomene o prijedlogu dnevnog reda dao je predsjedavajući Doma Nikola Špirić.

Jozo Križanović podsjetio je Dom na zaključak s prošle sjednice vezano za izbor istražne komisije za ispitivanje tačnosti navoda o umiješanosti poslanika ovog doma u organizovanje državnog udara, pa je predložio da se u dnevni red uvrsti izvještaj te komisije o ovom pitanju.

Tihomir Gligorić predložio je da se u dnevni red uvrsti izvještaj Vijeća ministara o inicijativama i dosadašnjim aktivnostima o izgradnji autoputa Koridor 5-c.

Predsjedavajući je dao na glasanje ove prijedloge za dopunu dnevnog reda.

Prijedlog Joze Križanovića usvojen je sa 24 glasa za, 4 protiv i 6 suzdržanih. Glasajući po entitetima, iz Federacije BiH za je glasalo 15, iz Republike Srpske 8 poslanika. Usvojeno je da ovo bude 14. tačka.

Takođe je usvojen i prijedlog Tihomira Gligorića. Za prijedlog je glasalo 17, protiv 9, suzdržalo se 8 poslanika. Po entitetima, iz RS za je glasalo 7, iz Federacije BiH 10 poslanika.

Presjedavajući je konstatovao da je za 19. sjednicu Predstavničkog doma usvojen sljedeći

D N E V N I R E D:

1. Zapisnik sa 17. sjednice Predstavničkog doma,
2. Poslanička pitanja i odgovori,
3. Zahtjev Vijeća ministara za razmatranje Prijedloga zakona o izmjenama i dopunama Zakona o uvozu i izvozu oružja i vojne opreme po hitnom postupku, u skladu sa članom 105. Poslovnika,

4. Zahtjev poslanika Petra Kunića za razmatranje Prijedloga zakona o izmjenama i dopunama Zakona o izbjeglicama iz Bosne i Hercegovine i raseljenim licima u Bosni i Hercegovini po hitnom postupku, u skladu sa članom 105. Poslovnika,
5. Zahtjev Vijeća ministara za razmatranje Prijedloga zakona o Agenciji za osiguranje u Bosni i Hercegovini po hitnom postupku, u skladu sa članom 104. Poslovnika,
6. Prijedlog zakona o sudskim taksama u postupku pred Sudom Bosne i Hercegovine (drugo čitanje),
7. Prijedlog zakona o izmjenama i dopunama Zakona o koncesijama (prvo čitanje) – predlagač poslanik Filip Andrić,
8. Prijedlog zakona o izmjenama i dopunama Zakona o izbjeglicama iz Bosne i Hercegovine i raseljenim osobama u Bosni i Hercegovini (prvo čitanje),
9. Prijedlog zakona o vazduhoplovstvu Bosne i Hercegovine (prvo čitanje)
10. Izvještaj o radu Izborne komisije Bosne i Hercegovine na sprovođenju Općih izbora 2002. godine u Bosni i Hercegovini,
11. Informacija o iseljeništvu Bosne i Hercegovine,
12. Izbor člana Komisije za finansije i budžet,
13. Davanje saglasnosti za ratifikaciju Sporazuma između Vijeća ministara Bosne i Hercegovine i Švajcarskog saveznog vijeća o tehničkoj, ekonomskoj, finansijskoj i humanitarnoj saradnji,
14. Informacija Istražne komisije o umiješanosti naših zastupnika u pripreu državnog udara, «izazivanja haosa», «bombaških napada», «zastrašivanja»...,
15. Izvještaj Vijeća ministara u vezi sa inicijativama i dosadašnjim aktivnostima o izgradnji autoputa Koridor 5-C-c.

Ad – 1: Zapisnik sa 17. sjednice Predstavničkog doma

Mirsad Ćeman dao je primjedbu na Zapisnik što u okviru poslaničkih pitanja nije u cjelosti naveden tekst uz njegovo pitanje, pa je zatražio da se to u Zapisnik unese.

Sa ovom primjedbom Zapisnik sa 17. sjednice usvojen je jednoglasno.

Ad – 2: Poslanička pitanja i odgovori

Muhamed Moranjkić izrazio je nezadovoljstvo odgovorom na njegovo poslaničko pitanje. Između ostalog, zapitao je da li Kolegij ima namjeru da poduzme mjere i pokrene aktivnosti u Domu protiv onih koji, kako je rekao, na razne načine ignorišu poslanike ovog doma ne odgovarajući valjano ili nikako na njihova pitanja.

Poslanička pitanja postavili su:

Muhamed Moranjkić:

«Da li Kolegij ima namjeru da poduzme mjere i pokrene aktivnosti u ovom domu protiv onih koji ignorišu na razne načine poslanike ovog doma ne odgovarajući valjano ili nikako na njihova pitanja? Ako će to učiniti - kada će to biti i koje će to biti mjere? Ako će se ovako nastaviti – ovu stalnu tačku treba ukinuti jer nema smisla i to je samo gubljenje vremena».

Selim Bešliagić:

«1. Da li je moguće da se jedna sjednica posveti svim zakonima koje je donio Visoki predstavnik kako bi se na istom mogli dalje i brže i efikasnije vršiti promjene? Ovo pitanje postavljam Kolegiju i stručnim službama da izvade koliko ima zakona i da se, ako je moguće, predloži u inicijativu da jednu sjednicu posvetimo samo tim zakonima.

2. U vezi s izjavom ministra vanjskih poslova gospodina Ivanića u austrijskim novinama da je pitanje Kosova ujedno i pitanje Bosne i Hercegovine, tražim odgovor, da li je gospodin Ivanić kao ministar dužan da gleda više interese Bosne i Hercegovine nego drugih država? Tražim da ovdje dođe i prvo kaže šta je rekao, jer iz novina ne možemo dobiti informaciju, i da usmeno i pismeno odgovori na ova pitanja».

Beriz Belkić:

Može li i hoće li Kolegij Predstavničkog doma nešto učiniti na ubrzanju procedura odnosno administrativnog kretanja zakona na relaciji: Vijeće ministara – radna tijela Predstavničkog doma – Predstavnički dom»

Ljiljana Milićević:

«1. Šta rukovodstvo i zaposleni u Parlamentarnoj skupštini BiH mogu preduzeti u pogledu boljeg održavanja okoline oko naše zgrade i njenog vanjskog izgleda, koji stvarno nije za pohvalu, počev od onih prljavih prozora dolje u prizemlju, zelenila koje se ne održava itd.? Da li postoji nekakav projekat, u kojoj je fazi i kada će se to početi srediivati?

2. U skladu s odlukom Doma o stalnom zasjedanju, mislim da bi bilo dobro da od komisija ovog parlamenta dobijemo podatak koliko je sjednica održano do sada i naravno prisustvo poslanika na tim sjednicama?»

Ad – 3: Zahtjev Vijeća ministara za razmatranje Prijedloga zakona o izmjenama i dopunama Zakona o uvozu i izvozu oružja i vojne opreme po hitnom postupku, u skladu sa članom 105. Poslovnika

U kviru ove tačke nije bilo diskusije.

Dom je prvo usvojio zahtjev za hitni postupak, a zatim i Zakon o izmjenama i dopunama Zakona o uvozu i izvozu oružja i vojne opreme.

Ad – 4: Zahtjev poslanika Petra Kunića za razmatranje Prijedloga zakona o izmjenama i dopunama Zakona o izbjeglicama iz Bosne i Hercegovine i raseljenim licima u Bosni i Hercegovini po hitnom postupku, u skladu sa članom 105. Poslovnika

Povodom ove tačke diskutovali su Beriz Belkić, Šefik Džaferović, Nikola Špirić, Tihomir Gligorić, Momčilo Novaković, Seada Palavrić i Zlatko Lagumdžija.

S obzirom da su u diskusiji izražena suprotstavljena mišljenja i protivljenje da se predloženi zakon razmatra po članu 105, predsjedavajući N. Špirić je u ime predlagača zakona, zbog njegovog odsustva, preinačio zahtjev da se, umjesto po članu 105. predloženi zakon razmatra po članu 104. Poslovnika.

Dom je usvojio zahtjev da se Prijedlog zakona o izmjenama i dopunama Zakona o izbjeglicama razmatra po članu 104. Poslovnika Doma.

Ad – 5: Zahtjev Vijeća ministara za razmatranje Prijedloga zakona o Agenciji za osiguranje u Bosni i Hercegovini po hitnom postupku, u skladu sa članom 104. Poslovnika

Dom je, bez diskusije, usvojio zahtjev Vijeća ministara da se Prijedlog zakona o Agenciji za osiguranje u BiH razmatra po članu 104. Poslovnika.

Ad – 6: Prijedlog zakona o sudskim taksama u postupku pred Sudom Bosne i Hercegovine (drugo čitanje)

O Prijedlogu zakona nije bilo diskusije.

S jednim glasom protiv, Dom je usvojio Zakon o sudskim taksama u postupku pred sudom Bosne i Hercegovine.

Ad – 7: Prijedlog zakona o izmjenama i dopunama Zakona o koncesijama (prvo čitanje) – predlagač poslanik Filip Andrić

Uvodne napomene o Prijedlogu zakona dao je predsjedavajući Doma Nikola Špirić.

Kako nije bilo diskusije, predsjedavajući je Prijedlog zakona dao na glasanje u prvo mčitanju.

Od 30 prisutnih u momentu glasanja, za je glasao 12, protiv 13, suzdržalo se 5 poslanika.

Predsjedavajući je konstatovao da Prijedlog zakona o izmjenama i dopunama Zakona o koncesijama nije dobio podršku Doma u prvom čitanju.

Ad – 8: Prijedlog zakona o izmjenama i dopunama Zakona o izbjeglicama iz Bosne i Hercegovine i raseljenim osobama u Bosni i Hercegovini (prvo čitanje)

O Prijedlogu zakona u prvom čitanju diskutovali su Nikola Špirić i Šefik Džaferović.

Nikola Špirić predložio je da se razmotri mogućnost da se Prijedlog zakona razamtra i u prvom i u drugom čitanju i da se uloži napor kako bi se na ovoj sjednici zakon konačno usvojio. Prijedlog je u svojoj diskusiji podržao i Šefik Džaferović.

Zatim je predsjedavajući dao na glasanje Prijedlog zakona u prvom čitanju.

Dom je jedngolasno usvojio Prijedlog zakona o izmjenama i dopunama Zakona o izbjeglicama iz Bosne i Hercegovine i raseljenim osobama u Bosni i Hercegovini u prvom čitanju.

Pošto je Prijedlog zakona usvojen u prvom čitanju, predsjedavajući Špirić podsjetio je poslaniek na Izvještaj nadležne komisije i predložio da se stav Komisije podrži i da se zakon usvoji u drugom čitanju. Rekao je da su u plenarnoj fazi amandmane pdonijeli Momčilo Novaković i Mirsad Ćeman. Zamolio je predlagače amandmana da razmotre mogućnost da amandmane povuku, kako bi konačno usvojili Zakon u drugom čitanju.

U diskusiji su dalje učestvovali Mološ Jovanović, Mirsad Ćeman, Ljiljana Milićević, Momčilo Novakvoić, Martin Raguž i Selim Bešlagić.

Momčilo Novaković imao je amandman na amandman Komisije, koji se odnosi na objavljivanje zakona. U diskusiji je, pored ostalogo, rekao da je spreman odustati od amandmana u cilju usvajanja zakona i uz molbu da i M. Ćeman odustane od svojih amandmana. Međutim, rekao je da nije logično da u nekim zakonima piše da će se objaviti i u Gasniku BiH i glasnicima entiteta, dok se za ovaj, amandmanom Komisije, određuje da će se objaviti samo u «Službenom glasniku BiH». Naglasio je da je o ovome nužno imati jedinstven stav.

Mirsad Ćeman je detaljno obrazložio svoje amandmane i naglasio da se trudio da njima poboljša tekst zakona. Međutim, kako nije bilo raspoloženja da se u Domu usvoje, on je amandmane povukao, zarad usvajanja predloženog zakona i u drugom čitanju.

Poslije diskusije predsjedavajući N. Špirić zahvalio je poslanicima M. Novakoviću i M. Ćemanu što su pooukli amandmane, pa je na glasanje dao Prijedlog zakona u drugom čitanju.

Dom je jednoglasno usvojio Zakon o izmjenama i dopunama Zakona o izbjeglcima iz BiH i raseljenim osobama u BiH.

Ad – 9: Prijedlog zakona o vazduhoplovstvu Bosne i Hercegovine (prvo čitanje)

Dom je bez diskusije usvojio Prijedlog zakona o vazduhoplovstvu BiH u prvom čitanju.

Ad – 10: Izvještaj o radu Izborne komisije Bosne i Hercegovine na sprovođenju Općih izbora 2002. godine u Bosni i Hercegovini

S obzirom da na sjednici nije bio prisutan predstnik podnosioca Izvještaja, predsjedavajući Nikola Špirić predložio je da se Izvještaj skine s dnevnog reda. Naglajso je da predlagai materijala treba da prisustvuju sjednicama Doma kad se raspravlja o tim materijalima.

Prijedlog predsjedavajućeg usvojen je jednoglasno. Predsjedavajući je konstatovao da će Izvještaj biti u dnevnom redu naredne sjednice Doma.

Ad – 11: Informacija o iseljeništvu Bosne i Hercegovine

O Informaciji nije bilo diskusije.

Predsjedavajući je konstatovao da Dom Informaciju prima k znanju.

Ad – 12: Izbor člana Komisije za finansije i budžet

Predsjedavajući Špirić u uvodu rekao je da je Prošireni kolegij na prošloj sjednici prihvatio njegovu inicijativu da ga Dom razriješiti dužnosti člana Komisije za finansije i budžet, iz razloga što dužnost predsjedavajućeg Doma zahtijeva veći angažman, te ne bi želio da zbog toga Komisija ne bi mogla na adekvatan način servisirati rad Doma.

Predložio je da Dom prihvati njegovo razrješenje dužnosti člana Komisije, a da se u Komisiju izabere Nikola Kragulj, kojem po rasporedu pripada i mjesto predsjedavajućeg Komisije.

Zatim je prvo dao na glasanje njegovo razrješenje dužnosti člana Komisije za finansije i budžet.

Dom je jednoglasno razriješio Nikolu Špirića dužnosti člana Komisije za finansije i budžet.

Takođe jednoglasno, Dom je za člana Komisije za finansije i budžet izabrao Nikolu Kragulja.

Ad – 13: Davanje saglasnosti za ratifikaciju Sporazuma između Vijeća ministara Bosne i Hercegovine i Švajcarskog saveznog vijeća o tehničkoj, ekonomskoj, finansijskoj i humanitarnoj saradnji

Dom je jednoglasno dao saglasnost za ratifikaciju Sporazuma između Vijeća ministara Bosne i Hercegovine i Švajcarskog saveznog vijeća o tehničkoj, ekonomskoj, finansijskoj i humanitarnoj saradnji.

Ad – 14: Informacija Istražne komisije o umiješanosti naših zastupnika u pripreu državnog udara, «izazivanja haosa», «bombaških napada», «zastrašivanja»...,

Nikola Špirić je ispred Istražne komisije obavijestio Dom da je Komisija održala sjednicu i da je nadležne organe upoznala s Zaključkom Predstavničkog doma o formiranju Itražne komisije i njenim zadacima. Rekao je da je Kommsisija odmah nakon prve sjednice uputila zahtjev članovima Predsjedništva, predsjedavajućem Vijeća ministara i ministru za sigurnost, da, u roku od 7 dana, dostave sve informacije s kojim raspolažu u vezi s tzv. slučajem «državni udar». Naglasio je da do danas Komisija nije dobila ni jedan odgovor na njen zahtjev.

U okviru ove tačke diskutovali su Zlatko Lagumdžija i Tihomir Gligorić..

Poslije diskusije predjedavajući je predložio da Dom zaključi da Istražna komisija navedenim institucijama uputi urgenciju da dostavi tražene informacije kako bi Komisija mogla informisti Dom na sljedećoj sjednici.

Zaključak je usvojen jednoglasno.

Ad – 15: Izvještaj Vijeća ministara u vezi sa inicijativama i dosadašnjim aktivnostima o izgradnji autoputa Koridor 5c.

Predsjedavajući Nikola Špirić primijetio je da sjednici ne prisustvuje resorni ministar niti predsjedavajući Vijeća ministara.

Tihomir Gligorić, kao predlagrač tačke dnevnog reda, kao rješenje iz ove situacije, predložio je da se zatraži od Vijeća ministara da u pisanoj formi dostavi izvještaj o svim aktivnostima koje se odnose na izgradnju autoputa Koridor 5-c.

Predsjedavajući Nikola Špirić rekao je da je sjednici prisutan zamjenik resornog ministra, ali s obzirom da nema ni resornog ministra ni predsjedavajućeg Vijeća ministara, sugerisao je da ne bi bilo dobro voditi raspravu u ovoj situaciji, već da se prihvati prijedlog T. Gligorića da se od Vijeća ministara zatraži pisana informacija.

Ipak, za riječ su se javili određeni poslanici, pa je rasprava nastavljena.

U diskusiji su učestvovali Ivo Miro Jović, Mirsad Ćeman, Šefik Džaferović, Filip Andrić, Selim Bešplagić, Tihomir Gligorić, Zlatko Lagumdžija, Sead Avdić.

Poslije diskusije, predsjedavajući je konstatovao da su iznesena dva prijedloga:

- prvi prijedlog Tihomira Gligorića, da se od Vijeća ministara zatraži pisana informacija o kojoj će se voditi rasprava na narednoj sjednici doma i
- drugi prijedlog Zlatka Lagumdžije, da se na ovoj tački sjednica prekine i nastavi se kada Vijeć ministara dostavi pisanu informaciju.

Dom se izjasnio prvo o prijedlogu Tihomira Gligorića.

Poslije glasanja predsjedavajući je konstatovao da je prvi prijedlog usvojen, te nema ni potrebe izjašnjavati se o drugom prijedlogu.

Prema tome, Dom je usvojio sljedeći

Z A K L J U Č A K

Obavezuje se Vijeće ministara Bosne i Hercegovine da Domu dostavi pisanu informaciju o inicijativama i dosadašnjim aktivnostima o izgradnji auto-puta Koridor 5-c, koja će biti predmet rasprave na narednoj sjednici Doma.

Ovim je iscrpen dnevni red 19. sjednice.

Predsjedavajući je obavijestio poslanike o odluci Kolegija da se 2. oktobra održi plenarna sjednica oba doma Parlamentarne skupštine, na kojoj će se Parlamentu BiH obratiti predsjednik Evropskog parlamenta gospodin Koks, kao i gospoda Ričard Holbruk i Bernard Kušner. Zamolio je poslanike da planiraju svoje vrijeme tako da prisustvuju plenarnoj sjednici.

Ovim je, u 13,20 sati, završena 19. sjednica Predstavničkog doma.

Sastavni dio Zapisnika je transkript 19. sjednice.

S E K R E T A R
PREDSTAVNIČKOG DOMA
Branka Todorović

PEDSJEDAVAJUĆI
PREDSTAVNIČKOG DOMA
dr. Nikola Špirić, s.r.